

## Pablo Tesalónicacjãrãrẽ ojamũ'tãca pũrĩ ni'i

*A'ti pũrĩ a'tiro weero ojanopã nise ni'i*

Pablo Tesalónica, Macedonia di'tapũ nirĩ macãcjãrãrẽ ojacũ niwĩ. A'ti pũrĩrẽ ojacũ, Corintopũ nicũ niwĩ. Todũporopũre cũ basuta narẽ Jesucristo yere were, cũrẽ ãjõpeori curuacjãrã sãjãcã weecũ niwĩ. Cũ ãjõpeocã weéca be'ro Timoteo añuse quetití ejacã tu'ogũ, maata narẽ a'ti pũrĩrẽ ojacũ niwĩ. Na añurõ weesere tu'ogũ, Õ'acũrẽ e'catise o'ocũ niwĩ. Tojo nicã Jesucristore ãjõpeosere weenemocã ñasãgũ ojacũ niwĩ. Na cũrẽ sãrĩtiña'quere yũ'tigũ ojacũ niwĩ. Cũ Jesucristo apaturi a'tiatjere ojacũ niwĩ.

*Pablo cũ me'rãcjãrã me'rã Tesalónicacjãrã Jesucristore ãjõpeorãrẽ oja'que ni'i*

<sup>1</sup> Yũ'ũ Pablo, yũ'ũ me'rãcjãrã Silvano, Timoteo me'rã mũsãrẽ a'ti pũrĩrẽ oja'a. Mũsã Tesalónicacjãrãrẽ marĩ pacũ Õ'acũ, marĩ wiogũ Jesucristo yarãrẽ añudutise o'o'o. Õ'acũ mũsãrẽ añurõ weeato. Mũsãrẽ ejerisãjãcã weeato.

*Pablo Tesalónicacjãrã na añurõ weesetisere tu'ogũ Õ'acũrẽ sãrĩbosa'que ni'i*

<sup>2</sup> Mũsãrẽ ñsã ñubuesetirinucũ marĩ pacũ Õ'acũrẽ e'catise o'onu'cũcã'a. <sup>3</sup> Cũrẽ ñubuerã, a'tiro ni'i. “Õ'acũ, Tesalónicacjãrã mũ'ũ macũ Jesucristore ãjõpeorã añurõ weesetisama. Na ma'isere i'orã, ãpãrãrẽ añurõ weeta-musama. Jesucristo cũ apaturi a'tiatjere e'catise me'rã yucuerã weesama. Tojo weerã cũrẽ ãjõpeodu'utisama”, ni ñubue'e Õ'acũrẽ.

<sup>4</sup> Õ'acũ mũsãrẽ ma'imi. Cũ, yarã niato níngũ besecũ niwĩ. Ñsã a'tere masĩ'i. <sup>5</sup> Mũsãrẽ Jesú ye quetire wererã, ñsã ye

useri me'rá dia'cũ weretiwũ. Espíritu Santu tutuase me'rá werewũ. Ũsã bu'ese diacjũta ni'i nírá, mʉsãrẽ bu'ewũ.

Mʉsã masĩsa'a. Ũsã topũ nírá, mʉsãrẽ ma'írá, añurõ weesetiwũ. <sup>6</sup> Mʉsã ũsã wee'quere í'acũurã, ũsã weronojõta weeseticãrã niwũ. Tere wéerã, Jesucristo weeseti'caronojõta weecãrã niwũ. Mʉsãrẽ Espíritu Santu e'catise o'ocã, ʉpʉtũ pi'etimirã, Jesucristo ye quetire ñe'ewũ. <sup>7</sup> Tojo weerã mʉsã Jesure ẽjõpeosere í'orã, añuse queose nipe'tirá ãpẽrã Jesure ẽjõpeorãrẽ o'ocãrã niwũ. Mʉsã ya di'ta Macedoniacjãrãrẽ, tojo nicã ãpẽrã a'ti di'ta Acayacjãrãrẽ tojo weecãrã niwũ. <sup>8</sup> Mʉsã me'rãta marĩ wioɣũ Jesú ye queti nipe'tiropũ se'sa wa'a'a. Macedonia, Acaya dia'cũ mejẽtare se'saro weewe'e. Nipe'tirocãrãpũ mʉsã Ő'acũrẽ ẽjõpeosere masĩpe'titojama. Tojo weerã tere ãpẽrãrẽ werewe'e. <sup>9</sup> Mejõ na pe'eta mʉsã weesetisere quetiwerema. Ũsã mʉsã tiropũ nicã, mʉsã ũsãrẽ añurõ wee'quere werema. Apeyema, mʉsã queose yee'cãrãrẽ ẽjõpeodu'u'quere werema. Tere du'u, ni'cãrõacãrẽ Ő'acũ catigũ diacjũ nigũ pe'ere ẽjõpeo, cũ ʉaro weeaporo. <sup>10</sup> Ő'acũ cũ macũ Jesú ʉ'mʉsepũ nigũrẽ, cũ apaturi a'tiatjere e'catise me'rá yucuerã weeaporo. A'tere ãpẽrã ũsãrẽ quetiwerema mʉsã weesetisere. Ő'acũ cũ macũ wẽrĩ'cãpũre masõcũ niwĩ. Cũ Jesũta nimi marĩ ʉpʉtũ bu'iri bocabo'quere yũ'rũo'cũ.

## 2

*Pablo Tesalónicapũ* cũ bu'e'quere quetiwere'que ni'i

<sup>1</sup> Acawererã, mʉsã a'tere añurõ masĩsa'a. Ũsã Tesalónicapũ sjarã, mejõ warota bu'ecusiaticãrã niwũ. Ũsã bu'esere tũ'orã, mʉsã pãjãrã Jesure ẽjõpeowũ. <sup>2</sup> Ũsã mʉsã tiropũ wa'ase dũporo ũsã Filipopũ niwũ. Topũ nicã, tocjãrã ũsãrẽ tãrã, ña'arõ bujicã'wã. Mʉsã tere

masĩsa'a. Mũsã ya macãcjãrã quẽ'rã ũsã weresere cã'-mota'asĩ'rĩmiwã. Na tojo weemicã, Õ'acũ ũsãrẽ añurõ wãcũtutuase o'owĩ. Tojo weerã cũ ye quetire uiro marĩrõ werewũ. <sup>3</sup> Mũsãrẽ Jesú ye quetire wererã, mejẽcã pe'e weretiwũ. Ña'arõ weesĩ'rĩrã, numiarẽ a'metãrãsi'rĩrã, weeta'sase me'rã weretiwũ. <sup>4</sup> Õ'acũ pe'e ĩ'abesetojagupũ cũ ye queti weresere cũugũtigũ ũsãrẽ besecu niwĩ. Masã ũsã me'rã e'catiato nĩrã mejẽta cũ ye quetire werewũ. Õ'acũ pe'ere e'catidutirã werewũ. Õ'acũ nimi nipe'tise marĩ wãcũsere masĩgũ. <sup>5</sup> ũsã topũ nĩrã, ne ni'cãti mũsã yere ɯaripejarã, añurõ ucũta'sa weretiwũ. Mũsã a'tere masĩsa'a. Õ'acũ quẽ'rã diacjũta ũsã wãcũsere masĩsami.

<sup>6-7</sup> ũsã Jesú o'ó'cãrã ni'i. Tojo weerã “ũsãrẽ wiorã weronojõ ĩ'aña”, nímasĩbopã. Tojo nita basiomicã, ne ni'cũrẽ nitiwũ. A'tiro pe'e weewũ. Ni'cõ numio co macũrẽ co'te mi'o masõsamo. Co weronojõ ũsã quẽ'rã mũsã tiropũ nĩrã, mũsãrẽ ma'írã, tojota weewũ. <sup>8</sup> Mũsãrẽ ma'írã, Õ'acũ ye queti dia'cũrẽ weretiwũ. Nipe'tise ũsã põtõorõ weetamuta basiosere weetamuwũ. Mũsãrẽ ɯpũtu ma'icãti.

<sup>9</sup> ũsã topũ nĩrã da'ra'quere mũsã wãcũsa'a. Mũsãrẽ Õ'acũ ye quetire wererã, peje caribose o'osĩ'rĩtiwũ. Tojo weerã ũsãrẽ a'mácaticã'to nĩrã ũsã basu da'rawũ. Ñamirĩ, ɯɯcori yóacãta ũsã ba'atjere, ũsãrẽ ɯũ'sasenojõrẽ wap-ata'arã da'rawũ.

<sup>10</sup> ũsã weeseti'quere mũsã ĩ'awũ. Õ'acũ quẽ'rã masĩsami. Mũsã Jesucristore ëjõpeorã me'rã nĩrã, ũsã weesooro marĩrõ nisetiwũ. Mejẽcã weetiwũ. Õ'acũ ɯaronojõ nisetiwũ. Tojo weerã ãpẽrã ũsãrẽ “Na bul'iri cɯoma” niró marĩrõ nicã'wũ. <sup>11-12</sup> Ni'cũ cũ põ'rãrẽ weronojõta ũsã quẽ'rã mũsãnucũrẽ werewũ. E'catise, wãcũtutuasere mũsãrẽ o'owũ. Õ'acũ põ'rã weronojõta nisetidutiwũ. Mũsãrẽ Õ'acũ cũ põ'rã niato nígũ besesami.

Tojo nicã m̄sãrẽ cũ me'rã cũ asistese nirõpũ ninu'cũduti-sami.

<sup>13</sup> Apeye m̄sã ye cjasere wereguti. Õ'acũ ye que-tire werecã, m̄sã “Õ'acũ ye ucũse ni'i” nĩrã, maata ãjõpeowũ. “Masã na ucũsere ãjõpeobosau”, nitiwũ. M̄sã tojo weesere wãcũrã, Õ'acũrẽ e'catise o'onu'cũcã'a. Ûsã m̄sãrẽ were'que Õ'acũ ucũse warota niwã. Te queti me'rãta Õ'acũ cũ haro weeato nĩgũ m̄sãrẽ siape me'rã dũcayunu'cũgũ weemi.

<sup>14</sup> M̄sã Jesucristore ãjõpeocã, m̄sã ya di'tacjãrã m̄sãrẽ p'letise o'ocãrã niwã. Judea di'tapũ quẽ'rãrẽ na acawererã judío masã m̄sãrẽ wa'a'caronojõta Jesure ãjõpeorãrẽ weecãrã niwã. <sup>15</sup> Judío masãta dũporocjãrãpũ quẽ'rãrẽ Õ'acũ ye queti weremu'tãrĩ masãrẽ wẽjẽcãrã niwã. Marĩ wioğũ Jesure tojota weecãrã niwã. Ûsã quẽ'rãrẽ m̄sã ya macãpũ nicã, ãsãrẽ hatirã, cõ'acã'wã. Tojo weegũ Õ'acũ na me'rã tu'satisami. Judío masã nipe'tirã Jesure ãjõpeorã me'rã cumuca dia'cũ hacã'ma. <sup>16</sup> Judío masã nitirãrẽ Õ'acũ yu'ruocã hatima. Tojo weerã narẽ Jesú ye quetire werecã hasãtirã, a'tiro weewã. Ûsã narẽ weresere cã'mota'asĩ'rĩmiwã. Na ña'arõ weese siape me'rã nemorõ wee'e. Tojo weerã na pajibutiaro bu'iri cuoma. Na yu'runu'cãpose bu'iri ni'cãrõacãputa na Õ'acũ bu'iri da'resere bocarãsama.

*Pablo* quẽ'rã Tesalónicacjãrãrẽ ĩ'arã wa'asĩ'rĩmi'que ni'i

<sup>17</sup> Ûsã m̄sã tiropũre wijawã'cãtica be'roacã maata m̄sãrẽ ĩ'asĩ'rĩmicãti. Ûsã upũ topũ nitimicã, m̄sã tiropũ dia'cũ ejeripõ'rãtiwũ. Topũre upũtu wa'asĩ'rĩmiwũ tja. <sup>18</sup> Pejetiri yu'ũ Pablo basu pe'eta “Wa'aguti”, nimiwũ. Ûsã topũ wa'asĩ'rĩsetirinucũ wãtĩ ãsãrẽ cã'mota'amujãwĩ. <sup>19-20</sup> M̄sãta ni'i ãsãrẽ e'catise o'orã. Tojo weerã m̄sãrẽ pũrõ ĩ'asĩ'rĩsa'a. Marĩ wioğũ Jesú cũ apaturi a'ti turipũ

a'ticã, cãrẽ wererãti musã ye quetire. A'tiro nirãti: “Ã'rãta nima ùsãrẽ e'catise o'o'cãrã. Narẽ mejõ waro mu'u ye quetire weretiwu. Na tere tu'orã, mu'urẽ añurõ ãjõpeowã. Tojo weerã pürõ e'cati'i na me'rã”, nirãti cãrẽ.

### 3

<sup>1-2</sup> Musã ye quetire tu'osi'rĩrã, põtëoticãti. Tojo weerã musã tiropu Timoteore i'adutirã o'ówu. “Ûsã pe'e Ate-napu tojarãti”, niwũ. Timoteo ùsã me'rãcjũ Jesú ye quetire werecusiatamugũ nimi. Cã musãrẽ Jesure nemorõ ãjõpeocã weegusami nĩrã, o'ówu. Tojo nicã wãcütutu-anemosere wereato nĩrã cãrẽ o'ówu. <sup>3-4</sup> Æpẽrã masã musã Jesure ãjõpeocã i'arã, i'atu'ti, bujicã'sama. Na tojo weecã, Jesure ãjõpeodu'uticã'to nĩrã Timoteore were-dutirã o'ówu. Ûsã topu nĩrã, musãrẽ a'tere wereyutojawu. “Marĩ Jesure ãjõpeorã, pi'etino'rõsa'a”, niwũ. Ûsã ní'caronojõta marĩ nipe'tirãrẽ queoro wa'aro wee'e. Musã tere masisa'a. <sup>5</sup> Musã Jesure ãjõpeosere masĩsĩ'rĩgũ põtëoti, ¿de'ro wa'amiti narẽ? nĩgũ, musã ye quetire miitidutigu Timoteore o'ówu. “Apetero weegu musãrẽ wãtĩ Jesure ãjõpeodu'ucã weecã'pĩ”, nicãti. ¿Ûsã bu'e'que ne wapamarĩpari? ni masĩsĩ'rĩgũ cãrẽ o'ówu.

#### *Tesalónicajãrã ye quetire Timoteo quetitĩ eja'que ni'i*

<sup>6</sup> Ni'cãrõacãrẽ Timoteo musã tiropu ní'cu dajatojami a'topure. Cã musã yere añuse quetitĩ dajami. A'tiro niami: “Na Jesure ãjõpeonu'cũcã'ma. Na basu añurõ a'merĩ ma'isetiama. Marĩrẽ ma'ise me'rã wãcũnu'cũcã'ma. Marĩrẽ pürõ i'asi'rĩama marĩ narẽ i'asi'rĩrõnojõta”, ni quetitĩ dajami. <sup>7</sup> Musã Jesure ãjõpeose quetire tu'orã ùsã pi'etimirã, e'cati'i. <sup>8</sup> Marĩ wiogu Jesure ãjõpeonu'cũcã tu'orã, yujuputa ùsã ejerisãjãse cu'o. <sup>9</sup> Tojo weerã musãrẽ wãcũrã, e'catiyu'ruasa'a. Õ'acãrẽ musã ye cjasere ùsã ¿de'ro wee e'catise o'opõtëobosau? Basiowe'e.

<sup>10</sup> Ñamirĩ, ɯmɯcorita yóacã Õ'acũrẽ sěrĩnu'cũcã'a mʉsã tiropɯ wa'asĩ'rĩrã. Mʉsãrẽ Jesú yere wereyapada're-osi'rĩsa'a.

<sup>11</sup> Ʋsã marĩ pacɯ Õ'acũrẽ, marĩ wiogɯ Jesure a'tiro sěrĩ'i. “Tesalónicacjãrã tiropɯ ɯsãrẽ o'óya. <sup>12</sup> Nemorõ na basu a'merĩ ma'iseticã weeya. Nipe'tirã ãpẽrã quẽ'rãrẽ ma'icã weeya. Narẽ Ʋsã ma'irõnojõta na quẽ'rã ãpẽrãrẽ ma'iatu. <sup>13</sup> Õ'acũ, mɯ'urẽ ẽjõpeodu'uticã'to. Mɯ'u ɯaro weeato. Narẽ wãcũtutuacã weeya. Mɯ'u narẽ tojo weecã, mɯ'u ĩ'orõpɯ bu'iri marĩrã nirãsama. Tojo weerã Jesú apaturi a'ti turipure cũ yarã me'rã a'ticã, bu'iri marĩrã nirãsama.” A'tiro ni sěrĩbosa'a mʉsã ye cjasere marĩ pacɯ Õ'acũrẽ.

#### 4

*Pablo Jesure* ẽjõpeorãrẽ Õ'acũ tu'saronojõ weeduti'que ni'i

<sup>1</sup> Apeye mʉsã ye cjasere werenemosĩ'rĩsa'a. Ʋm'u basu dutise mejẽta ni'i. Marĩ wiogɯ Jesú dutisere were'e. Ʋsã mʉsãrẽ duti'caronojõta Õ'acũ tu'sasenojõrẽ weeya. Mʉsã ni'cãrõacãrẽ Õ'acũ duti'quere weerã wee'e. Siape me'rã nemorõ weenemoña. <sup>2</sup> Ʋsã were'quere mʉsã masĩsa'a. A'tere wererã, Jesú marĩ wiogɯ cũ dutiro me'rã mʉsãrẽ werewɯ.

<sup>3</sup> Õ'acũ cũ ɯaro weecã tu'sasami. Cũ yarã weronojõ weesetiya. Mʉsã nɯmosãnumia, mʉsã marãpɯsɯmɯa nitirãrẽ a'metãrãticã'ña. <sup>4</sup> Mʉsãnɯcũ wiopesase me'rã ña'arõ wee'ĩ'orõ marĩrõ omocã du'te, nɯmotiburoya. Mʉsã tojo weecã ĩ'arã, ãpẽrã “Añurõ weema”, nirãsama. <sup>5</sup> Õ'acũrẽ masĩtirã numiarẽ ña'arõ weesĩ'rĩrã, ɯaripejasama. Mʉsã na weronojõ niticã'ña. Mejõ wãcũtutuaya. <sup>6</sup> Ne apĩ nɯmorẽ a'metãrãticã'ña. Mʉsã apĩ nɯmorẽ a'metãrãrã, co marãpɯre ña'arõ weerã weesa'a. Õ'acũ a'te ña'ase weerãrẽ bu'iri da'regusami. Todɯporopɯ mʉsãrẽ weretojawɯ a'te nɯcũ'ase quetire.

<sup>7</sup> Õ'acũ marĩrẽ ña'asere weedutiticu niwĩ. Añuse pe'ere cãrẽ ãjõpeorã weesetironojõ weeduticu niwĩ. <sup>8</sup> No'lo a'te bu'esere teerãnojõ ùsãrẽ teerã mejẽta weesama. Õ'acũ pe'ere teerã weesama. Õ'acũ marĩrẽ cũ ñaro weedutigũ Espĩritu Santure o'ócũ niwĩ. Tojo weerã cũ ñaro weetirã, “Õ'acũ, mũ'ũrẽ ñawe'e”, nirã weesama.

<sup>9</sup> Mũsã a'merĩ ma'isetise pũrĩcãrẽ werewe'e. Õ'acũ cũ basu pe'e Espĩritu Santu me'rã mũsãrẽ a'merĩ ma'iduti-tojacu niwĩ. <sup>10</sup> Mũsã ya di'ta Macedoniãcãrãrẽ nipe'tirã Jesure ãjõpeorãrẽ ma'isetirã, cũ duti'caronojõ weerã wee'e. A'te pe'ema mũsãrẽ weregũti. Jesure ãjõpeorãrẽ nemorõ ma'inemoña. <sup>11</sup> Añurõ cumuca marĩrõ nisetiya. Æpẽrãrẽ queti pooticã'ña. Mũsã ye nitisere, ãpẽrã ye cjasere ucja wãcũnrũticã'ña. Mũsã ye pe'ere wãcũña. Mũsã da'rase cuosere añurõ da'rasetiya. Nijĩsijaticã'ña. Todũporopũre mũsã tiropũ nĩrã, a'tere weretojawũ. <sup>12</sup> Mũsã tojo añurõ da'rarã, ãpẽrã a'mãcano'ña marĩrãsa'a. Mũsã basu da'rase me'rã catirãsa'a. Mũsã tojo weecã ñarã, Jesure ãjõpeotirã mũsãrẽ añurõ wiopesase me'rã wãcũrãsama.

*Jesú apaturi a'ti turipũ a'tiatje queti ni'i*

<sup>13</sup> Apeye tja weregũti. Wẽrĩ'cãrãpũ de'ro wa'arãsari nisere mũsãrẽ werecasanũ'cõsĩ'rĩsa'a. A'tere masĩrã, Jesure ãjõpeorã na wẽricã, pũrõ bũjawetisome. A'tiro ni'i. Jesure ãjõpeorã wẽrĩrã, cũ tiropũ cũ me'rã ninu'cũcã'rãsama. Cũrẽ ãjõpeotirã pũricã cũ tiropũ ne wa'asome. Tojo weerã Jesure ãjõpeotitjĩrã, na me'rãcãrã, na acawererã wẽricã, pũrõ bũjawetisama. Mũsã pũricã Jesure ãjõpeo'lo. Tojo weerã na weronojõ bũjawetiticã'ña. <sup>14</sup> Marĩ a'tere ãjõpeo'lo. Jesú wẽrĩ'cũpũ masãcu niwĩ. Cũ apaturi a'ti turipũ a'ticã, cũrẽ ãjõpeorã wẽrĩ'cãrãrẽ Õ'acũ cũ macũrẽ masõ'caronojõta masõgũsami. Masõtoja, cũ tiropũ miagũsami.

<sup>15</sup> Ni'cārōacārē marī wiogᵁ Jesú were'quere mūsārē wereturiarā wee'e. Jesú a'ti turipᵁ apaturi a'ticā, Jesure ējōpeorā cūrē pōtērīrā wa'arāsama. Cūrē pōtērīrā, marī catirā āpērā wērī'cārā dᵁporo ᵁ'mutāwā'cāsoma.

<sup>16</sup> A'tiro pe'e wa'arosa'a. Jesú cū ucūse dutise me'rā ᵁ'mūsepᵁ a'tigᵁsami. Ō'acūrē wereco'terā wiogᵁ ᵁputᵁ ucūquejo, Ō'acū yaro putiro coronetare putigᵁsami. Tojo wa'acā, Jesure ējōpeorā wērī'cārā ape upᵁ me'rā masāmᵁ'tārāsama. <sup>17</sup> Na be'roacā marī Jesure ējōpeorā quē'rā a'ti nucūcāpᵁ catirā o'mecururipᵁ na me'rā mᵁjāarāsa'a. Topᵁ Jesure pōtērīrāsa'a. Tojo wee cū me'rā ninu'cūcā'rāsa'a.

<sup>18</sup> Mūsā a'tere āpērārē wereturiaya. Tojo weerā mūsā a'merī wācūtutuacā weerāsa'a.

## 5

<sup>1</sup> Di nᵁmᵁ, no'ocātero nicā Jesú apaturi a'tigᵁsari nisema masīno'ña marī'i. Tojo weerā mūsārē werewe'e.

<sup>2</sup> Queose me'rā mūsārē weregᵁti. Ni'cū yajari masū ñamipᵁ wācūña marīrō yajagᵁ a'tisami. Cū weronojōta Jesú quē'rā marī ne wācūtiri cura a'tigᵁsami. Mūsā cū wācūña marīrō a'tiatjere masītojasa'a.

<sup>3</sup> Jesure ējōpeotirā cū apaturi a'tiatji dᵁporoacā a'tiro wācūrāsama.

“Ūsā uiro marīrō añurō nicā'a”, nirāsama. A'tiro na wācūcūñarī cura narē peje ña'ase wa'arosa'a. Ni'cō nijīpaco wācūña marīrō wī'magᵁ wᵁatji dᵁporoacā pūrīse pi'etinᵁ'cāsamo. Na quē'rā Jesure ējōpeotirā tojota wācūña marīrō ᵁputᵁ pi'etirāsama. Ne ni'cū yᵁ'rᵁwetisome. <sup>4</sup> Masā Jesure ējōpeotirā na'itī'arōpᵁ nirá weronojō nisama. Na cūrē yᵁ'rᵁnᵁ'cā, cū ᵁaro weetisama. Mūsā pūrīcā na weronojō niwe'e. Tojo weerā Jesú cū apaturi a'ti di'tapᵁ a'ticā, ī'aᵁcᵁasome. Yajari masūrē ī'amarīarō weronojō wa'asome. <sup>5</sup> Mūsā ña'ase weeseti'quere Jesú acobojojocᵁ niwī. Tojo weerā



bo'reyuro,  $\mu\mu\sigma\sigma\mu$  nirá weronojō ni'i. Marī Jesú yarā ña'ase weeborānojō niwe'e. Jesure ējōpeotirā pe'e ña'arō weesetisama. Na'itī'arō, ñamip $\mu$  nirá weronojō nisama. <sup>6</sup> Marī cārīrā weronojō niticā'rā. Jesú apaturi a'tiatjere wācūtirā, cārīrā weronojō nisama. Marī pe'e cū a'tiatjere añurō t $\mu$ 'omasise me'rā wācūn $\mu$ rūrā. Ña'ase weesī'rīrā, wācūtutuarā. <sup>7</sup> Ñamip $\mu$  masā cārīma. Que'ari masā ñamip $\mu$ ta que'asama. <sup>8</sup> Marī pe'e Jesú yarā  $\mu\mu\sigma\sigma\mu$  nirá weronojō ni'i. Tojo weerā marī weesere añurō t $\mu$ 'oña'n $\mu$ 'cōtojarāp $\mu$  weesetirā. Queose me'rā wereguti. Ni'cū surara a'mewējērōp $\mu$  wa'agu, cū upure cā'mota'agu cōmesu'tirote sāñasami. Cū weronojōta marī wātirē cā'mota'arā Ō'acūrē ējōpeonu'cūcā'rā. Āpērārē ma'irā. D $\mu$ poare cā'mota'arā cōmesapeare pesaro weronojō Jesú cū apaturi a'tiatjere, marī cū me'rā ninu'cūatjere wācūn $\mu$ rūrā. Marī tojo weecā, wātī marīrē ña'arō weemasītisami.

<sup>9</sup> Ō'acū bu'iri bocato nīgū mejēta marīrē besec $\mu$  niwī. Mejō marī bu'iri c $\mu$ obo'cārārē marī wiog $\mu$  Jesucristo me'rā y $\mu$ 'ruoc $\mu$  niwī. <sup>10</sup> Cū me'rā ninu'cūcā'to nīgū marīrē wērībosac $\mu$  niwī. Tojo weerā cū apaturi a'ticā, cūrē ējōpeorā wērī'cārā, marī catirā cū me'rā ninu'cūcā'rāsa'a. <sup>11</sup> Tere wācūrā, m $\mu$ sā ni'cārōacā weesetironojōta āpērārē a'merī weetamu, wācūtutuacā weeya.

*Pablo Tesalónicaĵārārē* cū werecasa'que ni'i

<sup>12</sup> Acawerērā, m $\mu$ sārē a'tiro weecā  $\mu$ asa'a. Ō'acū ye queti wererārē, cū bese'cārārē wiopesase me'rā ī'aña. Ō'acū narē cū ye quetire bu'edutig $\mu$ , m $\mu$ sārē were-casadutig $\mu$  cūuc $\mu$  niwī. <sup>13</sup> Na m $\mu$ sā de'ro wee nisetiatjere wererā,  $\mu$ p $\mu$ t $\mu$  da'rama. Tojo weerā ma'ise me'rā narē wācūña. A'merī a'pepūrīticā'ña. A'merī añurō nisetiya.

<sup>14</sup> Apeye m $\mu$ sārē werenemorāti. Nijīsijarārē da'radu-tiya. Wācūque'tirārē wācūtutuacā weeya. Ō'acū yere

weetutuatirārē weetamuña. Mūsārē mejēcā wa'acā, uayeticā'ña. Nū'cāña. <sup>15</sup> Mūsārē āpērā ña'arō weecā, narē a'meticā'ña. A'tiro pe'e weeya. Mūsā me'rācjārārē, nipe'tirārē añurō weenu'cūcā'ña.

<sup>16</sup> E'catise me'rā ninu'cūcā'ña. Bujawetiticā'ña. <sup>17</sup> Mūsā no'o niró, no'o wa'aro Õ'acūrē wācū ñubuenu'cūcā'ña. <sup>18</sup> Mūsārē ña'arō, añurō wa'acā quē'rārē, Õ'acūrē e'catise o'onu'cūcā'ña. A'te nipe'tisere Õ'acū marī Jesucristore ējōpeorārē weecā űasami.

<sup>19</sup> Espíritu Santu mūsā wācūsepure wewecā, cā'mota'aticā'ña. Yū'tiya cū dutisere. <sup>20</sup> Õ'acū ye queti weresere tū'orā, yabi bujicā'ticā'ña. <sup>21</sup> A'tiro pe'e weeya. Na weresere wācū, tū'ocasanū'cōpe'ocā'ña. Añuse nicā, tere weeya. <sup>22</sup> No'o ña'ase nisenojōrē weeticā'ña.

<sup>23</sup> Õ'acū ejerisājāsere o'ogu mūsārē a'tiro weeato. Siape me'rā añurō, ña'ase marīrō, cū űaro dia'cū weecā weeato. Mūsā ejeripō'rārērē, mūsā wācūsere, nipe'tiro mūsā upure col'teato. Cū a'tiro weecā, marī wiogu Jesucristo apaturi a'tigu, mūsārē bu'iri marīrā bocaejagusami. <sup>24</sup> Õ'acū mūsārē bese'cu nipe'tise cū “Weeguti” ní'quere queoro weegusami. Tojo weegu űsā mūsārē sērībosasere yū'tigusami. <sup>25</sup> Acawererā, űsā quē'rārē Õ'acūrē sērībosaya.

<sup>26</sup> Nipe'tirā tocjārā Jesure ējōpeorārē malise me'rā añudutiya.

<sup>27</sup> Marī wiogu Jesú cū dutiro me'rā a'ti pūrērē nipe'tirā Jesure ējōpeorārē bu'eī'oduti'i.

<sup>28</sup> Jesucristo marī wiogu mūsārē añurō weeato.

Tocārōta oja'a.

Pablo

Õ'âkã hi yeere uúkũri turi Tukano  
New Testament in Tucano (BR:tuo:Tucano)

copyright © 2009 Wycliffe Bible Translators, Inc.

Language: Tucano

Translation by: Wycliffe Bible Translators, Inc.

Tucano [tuo], Brazil

### Copyright Information

© 2009, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Tucano

© 2009, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

PDF generated using Haiola and XeLaTeX on 14 Jun 2018 from source files dated 4 May 2018

00ebd04f-7b0d-5a72-9407-eb53ae2bd086